

四庫全書

集部

欽定四庫全書

泰泉集卷七

明 黃佐 撰

七言律詩

感秋三首時洪都兵變予方種菊東籬有終焉

之志因賦此詩

正德
己卯

秋風蕭瑟起千山籬外黃花自作閒
冠蓋何年通宛洛
鼓鼙連日動鄉關
風塵不入窓間岫
世事能彫鏡裏顏
聞道日邊佳氣在
都人長望屬車還

一舸當年發豫章，豚魚吹浪棹相將。
黃蘆夾岸天連海，白鴈臨關夜有霜。
氣稜祇今千斗極，江湖依舊遠巖廊。
悲吟不盡傷秋意，紅葉蕭蕭暮吹長。

漠漠秋陰雲滿城，夢回驚問此何聲。
紫臺霜急鴈初到，滄海月寒潮自生。
宋玉蕭條曾作賦，杜陵搖落最關情。
東籬生意依然在，無數黃花照眼明。

雨後珠江登望

珠江煙水碧濛濛，錦石琪花不易逢。
三島樓臺開日月，

二儀風雨動魚龍浮雲在萼團秋扇野樹依微亂晚風
越女未知搖落早輕舟何處采芙蓉

九成臺次章提學韻時聞王師發金陵

睥睨鴉啼向古臺臺前斑竹自花開水通湘浦紫如帶
山近蒼梧翠作堆嘉樂也知非野合倦勤何事復南來
驚輿虎旅傳消息心折江城畫角哀

秋夜夢後作

有引

客久思歸夢一金甲神人餞予行自謂將軍

相與聯句有曰笑拂玉波看禹鼎予以為問
曰玉波塵也出秘書子忘之乎予即詠曰拜
陳金鏡祝堯年將軍嘖嘖稱予忠如是者凡
數十聯末云好費將軍九萬牋句出自予亦
不知其何語也其餘則忘矣已而就駕雲飛
風從倏忽至家見老母喜甚覺來明月滿牕
乃枕上爾時聖天子出師以威武大將軍鎮
國公行寤歎之餘賦此仍用夢中韻

疎槐宮院罷朝天
淮海干戈有歲年
未厭西風吹几杖
每依南斗望樓船
新豐車馬黃塵裏
故國園林白露前
歸夢忽醒寒漏迥
綺窓斜挂玉嬋娟

臘月十日奉迎大駕紀事二首

奏凱歡呼大駕迴
一時和氣滿燕臺
端門日麗龍旂入
馳道風清鳳吹來
九廟神靈真有託
百年文運定重開
都人此日瞻依切
共說君王有將才

銑歌鼙鼓盡天聲
亭旆金繒載道迎
上將獨乘千里駿

義兒多領四家兵
車懸虎豹知蒐獮
架疊鯨鯢報武成
從此鼎彝書鎮國
漢文徒幸亞夫營

早朝

苑雲城樹隱蒼蒼
仙漏銷沈寶炬光
月下蛩貅金隊冷
風前鸛鷺玉聲長
螭頭漸近聞天語
豹尾徐開挹御香
朝罷宮臣導清蹕
空瞻團扇護君王

雪後早朝

北風吹雪靜芳塵
雪霽千門麗景新
丹地祇聞鳴玉步

碧天疑有散花人
寒光掩映龍樓曉
遲日熏成鳳沼春
歸向柳邊凝立久
試裁巴曲和韶鈞

侍車駕幸太學恭賦一律

豹霧龍旂拂曙烟
即隨清蹕下遙天
袞衣日月宮牆裏
冠蓋風雲俎豆邊
環壁波光搖寶扇
闕壇花氣繞金懸
青衿除此歡無極
共播皇休入誦弦

郊祀齋居大興隆寺與樵賢舉之繩武三太史

同賦二首得旗字

大駕迎天早練時
端門燈起禁鐘遲
春回御氣通黃道
夜靜神飈閃翠旗
龍騎肅分千陛戟
鶴羣寒立一禪枝
泰壇却憶追趨地
雲捧珠宮月滿墀

壁月彤雲澹不移
竹房花影正離離
僧來祇覺鐘磬響
院靜不知更漏遲
辟荔有香浮劍舄
穗楊無力拂旌旗
夜寒銀燄巡金鑰
吟望圓丘有所思

內閣前迎春花開有述

春叢照眼見輕黃
玉署裁詩覺興長
唐苑錯教催羯鼓

漢宮徒自闌仙裝龍池日轉繞分色鳳閣風來細認香
何事偏承天澤早結根元自五雲傍

春興八首

燕京二月芳草新天南嗟有未歸人清泉白石入幽夢
紫燕黃鸝鳴好春三殿奔趨連日夕九衢車馬雜風塵
棲遲鳳沼渾何事吟望漁舟獨愴神

閭闔千門拂曙開即隨鷓鴣集蓬萊雲邊綵仗分仙掖
日下青旂遶帝臺危閣風迴初變柳琳池冰洩半侵苔

上林春色應無限
空羨文園作賦才

太液池頭萬歲峰
波光迴合翠重重
神人驅石開三島
天子乘春駐六龍
紫殿虛無餘御氣
碧雲迢遞憶仙踪
玉鳬黃鵠無消息
長聽趨朝午夜鐘

燕臺自昔興王地
今日垂衣馭四夷
紫禁煙花連朔漠
黃河烽火望旌旗
西山積雪輝輝在
北極浮雲裊裊垂
跂馬春郊回首晚
五侯歌管未休吹

廣寒宮殿鎖岩崑
漢帝神靈隔絳霄
陰洞夜凝龍虎氣

陽深秋老鳳凰條金莖瑞露霑朱綴銀浦雲流入綺寮
翠輦不來環珮冷滿庭脩竹自蕭蕭

踏青聞幸芙蓉苑紅日未高金吹鳴從此宸遊多樂事
向來幾務太留情風傳羯鼓南薰殿雲擁鸞旂北斗城
千載太平知有象詞臣先已頌河清

風雨瀟瀟聞曙雞春來長憶碧山栖烟開籬落花光動
日暖園林菜中齊入饌江魚供白髮潑醅芳酒對青谿
刺桐枝上紅如錦自在流鶯盡日啼

幕府魚書報越裳期門龍節發荆湘北風鴻鴈飛何處
南海漁樵思故鄉即恐軍儲非往日却勞宵旰及殊方
平林月出聞題鵠擊劍酣歌意轉長

謁康陵書感

夏雲消盡午風恬目極烟霄思未戢瑤水幾年留馬跡
鼎湖回首墮龍髯泉涂寂寂山當戶松籟蕭蕭月轉簷
却愧青衫虛十載對揚無路拜宸嚴

康陵禪祭有述

康陵禪日宿神郊
奏格無聲藉白茅
七廟精靈昭翠洛
二儀風雨積函散
明樓燈火鵷鸞集
隧道松杉翡翠巢
羽獵長楊今涕淚
寸心遙與白雲交

贈趙景昭歸廣州

庭闈每入京華夢
消息真從里閨傳
慰我客懷千里外
與君交誼十年前
心馳珠海雲隨棹
路入金陵日在天
好向明時圖遠大
只今青瑣重材賢

歲暮書懷次王繩武韻

蕭蕭松院朔風侵坐擁重裘力不任
薊北暖遙花去眼
天南書斷鵲驚心曾雲此日連青
瑣芳草何年卧綠沉
喜有王維同筆硯清詩時為滌煩襟

別吳成甫

金陵此去三千里玉殿回瞻咫尺天
兩載風煙同逆旅
一簾霜月照離筵即看會計蘇江左
還有謀猷達帝前
聞鴈裁書堪更問聽鶯攜手是何年

三江毛尚書致仕歸姑蘇留別次韻

笑別鷓鴣行問鶴田歸來林壑故依然月明震澤秋應早
柳暎閭門地亦偏黃閭未登曾扈聖青山相對更懷賢
東曹此日情何限目斷冥鴻在遠天

送三江先生

吳門烟艇故知津寶帶塵衣照暮春蕉鹿夢中曾玩世
蓴鱸鄉裏最宜人三朝禮樂歸青簡八座聲華動紫宸
心折此時瞻望地潞河南下柳條新

壽陳虛白鍊師

飈臺羽客宴星壇四座罡風六月寒絳節曾隨蒼水珮
元田應結紫金丹瑤池月冷飛青鳥珠樹雲深駐綵鸞
知爾蓬瀛多浪迹摩挲銅狄待誰看

董學士父母受封

桂坊秋早竹書成紫誥貤封荷聖情天與北門添盛事
人依南斗頌長生碧雞山下棠陰合丹鳳樓前日色明
笑領龍章齊舉案一麾今覺到蓬瀛

送林子行歸吳川

萊衣將母羨君行把酒臨岐百感生楊柳影稠朝雨淨
艾荷香暖暮潮平病身與鶴栖蕭寺歸夢如雲遶粵城
曾是同舟忍分手岸花橋燕總關情

九月十七日大封宗室奉命充南渭冊禮使

臚陞傳宣仰聖君錫茅分器重殷勤日臨閣道開三殿
風遞宮韶出五雲寶冊下時經輦路金貂行處散爐薰
即從北極趨南渭悵別天邇駕驚羣

永州樓上春望

蕭蕭梧竹弄新晴天畔登樓眼倍明
湘水碧連雲夢渚
粵山青近永陽城三春物色憐多病
萬里馳驅笑此生
忽憶玉河垂柳徑紫宸朝罷聽流鶯

別蕭潘二通判於淡巖作

五馬翩翩度遠岑日浮蒼翠滿離襟
同寅合共循良傳
異國仍多故舊心
容思漸隨芳草遠春光偏入野棠深
明朝鼓枕營陽道回望零陵烟樹林

遊甘露寺同劉士奇作

空香浮動翠峴岩徙倚珠林駐玉驂
七澤湍聲流日夜
六朝山色落東南
朱旂向晚情難別
碧院逢秋酒易酣
蕭洒不知歸路杳
滿天竿籟起松杉

歸自京師赴常齋鍾子夜讌二首

魏闕勞君千里夢
粵辭分我一枝安
即看春事辭鶯燕
且盡芳樽共肺肝
沙塢雨餘花氣近
江城風定角聲寒
相看此夕清狂甚
從此過逢興未闌

爐烟裊裊篆垂垂
掃逕開尊恨到遲
亭榭風煙仍月夜

江湖花鳥況春時金樽玉鱸堪留客醉舞狂歌果為誰
却憶去年羈旅地粵雲南望只成悲

全節廟

極目胡塵暗帝畿樓船南去逐斜暉已無虎帳鳴金析
祇有龍潭葬寶衣精衛何時填海滿蒼梧終日見雲飛
貞魂若化吳宮燕應是年年一度歸

大忠祠

誰扶黃屋此長征夷夏分明萬古情百粵波濤非帝宅

兩厓風雨是天聲
氣吞蛇豕頻揮劍
力盡馳驅尚請纓
再拜高祠回首地
滿山松桂月微明

乙酉守歲

帝城鼓角促朝暉
紫禁烟花錦繡圍
風靜笙歌臨路發
雪晴烏鵲背人飛
貪趨魏闕年華換
留滯周南心事違
栢葉椒花吾祝汝
明年須對老萊衣

元日早朝

閣道沙堤雪未乾
馬前銀燭霧中看
踈鐘欲動飛宮鵲

絳節初齊引珮鸞
瑞日影浮雙闕表
鈞天聲在五雲端
侍臣賦就陽春曲
未覺瓊樓玉宇寒

暮春書懷效陳去非

曲肱作夢客不到
游絲滿空春正晴
世事悠悠祇蕉鹿
韶光冉冉但林鶯
蔣陵山遠碧雲合
郭隗臺高芳草平
踏歌吹劍一翹首
天北天南無限情

題雷氏山水卷

羨汝習靜栖空山
蒼翠無言相對閒
松花滿地雲不掃

柴門敞天風為關波浮龍鱗曉
瀕洞峰橫豸角秋屏顏
丹梯倘許凌絕頂散髮醉呼黃鶴還

春夜大醉言志

扶劍起舞臨高臺北斗揅地銀河迴
長空贈我以明月
天下知心惟酒杯門前馬踏簫鼓動
柵上雞啼天地開
倦遊却憶少年事笑擁如花歌落梅

欲盡理還之喻

白蓮二首

水殿盈盈萬玉妃凌波長是步炎暉
迢遙玉井峰頭見

縹緲瑤池月下歸洛浦霧繁朱作珮楚臺風急翠成幃
若教解語應愁絕聞道金籠鎖雪衣

不見紅衣暎綠苔夜長疑有鶯飛來藥珠宮冷香雲濕
魚藻池深素錦開太乙御風搖翠檝飛瓊乘月出瑤臺
露華似慰相如渴分得金莖滿玉杯

陵祀次韻劉侍御見寄

園陵報祀開秋序驄馬追趕出帝城四塞雲山隨遠近
二儀風雨自陰晴金支掩映蛟龍色玉殿蒼涼燕雀聲

悵望軒轅弓劍在青霄霑洒不勝情

重陽次韻答孫貞父

相看京洛共緇塵拂拭荷衣發興新江上離憂嗟易老
雲間歸夢恐難真飛飛白鴈遙憐汝采采黃花懶寄人
抱病重陽正愁絕把君詩句重逡巡

省親三疏獲允出郭別親友

喜聞綸綍卷詩書萬里乘槎信所如即辦綵衣供色笑
不妨黃髮老樵漁臨歧尚憶公家事出郭多煩長者車

南北相望意無限江空歲晚獨愁予

阻水寓蕭氏樓上作

朔風蕭蕭吹雪霜登樓獨坐生悲涼青山知我更情澹
明月照人歸夢長雲影有時連去鴈水聲何日到垂楊
側身天地頻回首誰道江湖遠廟廊

丈衡山致仕言懷次韻二首

十月軒車出紫宸三年京洛謝緇塵北河水雪偏留客
南國江山久待人石室有書曾汗簡扁舟無日不思尊

此身直在雲羅外誰向中原惜鳳麟

金鑾早上乞休書疏傳當時恐未如萬里青冥雙倦翼
百年黃髮幾懸車閭門日暖繁楊柳震澤春深足鯉魚
知爾登時詩不廢傳雲回首渺思予

除夜贈文徵仲

即看芳草入新年豈有椒花媚遠天多病獨愁雙鬢改
故人相對一燈懸匆匆歲色歸鶯燕冉冉春聲咽管絃
明日試從高閣望陽和多在五雲邊

丁亥元日

朔雲自繞灤河曲
燕樹遙連漢苑斜
綵鷁獨依河畔柳
新鶯應到苑中花
三朝禮樂開青瑣
萬國衣裳擁翠華
去去滄江回首地
太平歌頌落煙霞

客樓春望徵仲見過有贈

樓外河水春未消
旅魂吟望倦搖搖
驪黃有路開丹嶠
孔翠何心戀赤霄
燕市風塵通路渚
吳門烟月滿楓橋
何時坐爾停雲館
幽竹繁花慰寂寥

微雨後風沙大作晚泊臨清

笑辭鍾鼎向山林去路塵沙苦見侵
萬里舟航淹日月九河風雨戰晴陰
草堂花竹紫春夢澤國魚龍伴夜吟
心跡不教雙寂寞燈前呼酒漫開襟

次韻答廖鳴吾見懷

北風吹女思悠悠乘興難移雪夜舟
建禮昔同駕鷺序裁詩今在鳳凰樓
岸花橋燕催春色洛水秦山入暮愁
多病可堪回首遠吏情吾已付滄洲

丁亥除夕

旅館頻年過歲除
萊衣今夕樂何如
搖搖蠟炬輕風裏
淺淺霞盃細雨餘
江海只便魚入饌
烟霞惟恐鶴傳書
等閒又被梅花惱
漏泄春光滿敝廬

元旦

南國浮雲向曉開
日華初上釣魚臺
東風又與縈無綠
老屋惟應燕子來
萬里晨昏逢歲改
三年供奉憶朝回
滄溟不似君恩濶
起舞尊前莫放杯

英德別杜生兄弟

扁舟六月度湔水英德縣前鱸已肥別爾弟兄難廢酒
驅人歧路易沾衣滄江急雨羣龍出古峽閑雲獨鶴飛
返棹相看情不斷倚門真覺夢同歸

感秋二首用南津胡憲長趣駕韻

浙浙秋風吹岸沙西江遷客思無涯濁醪粗飯足娛老
去燕來鴻猶念家百年洛渚媿潘岳九日龍山懷孟嘉
故園咫尺不歸去辜負東籬無數花

浙浙秋風吹雨來自憐
樗散未須培水邊
白鳥背人去
霞外青山待我回
抱病江湖長對酒
側身天地數登臺
故園只在扁舟上
三徑黃花萬樹梅

南谿卷為俱都帥

南谿分得揚之水
岩姿林靄相光輝
主人燕坐列霜戟
童子清歌調雪衣
弦琴每覺薰風入
載酒直隨明月歸
我亦滄洲曾結宇
吏情長恐與心違

秋夜對菊

日隨麋鹿走山林，豈有簪纓繫此心。
永夜鼓鐘欺鬢短，小樓風露報秋深。
鸞聲自作孫登嘯，龍卧誰為梁甫吟。
瀟洒不知貧與病，東籬元有萬黃金。

蒼梧初發

蒼梧北望盡蠻荒，雲黑山青烟霧黃。
旌旆行隨日隱見，蒙衝坐覺天低昂。
鼉鼉乘雨出岩穴，翡翠挾春鳴枕榔。
旅懷歷亂不可盡，芳草萋萋彌岸長。

桂林元夕

何處笙歌入座聞
即看陸海在人羣
星橋暗度重輪月
火樹晴開五色雲
湘水未逢天北使
灕江猶駐粵南軍
江湖心事年年在
徙倚東風酒易醺

橫州伏波廟

高灘危石鎖崔嵬
長夏風烟午未開
南海樓船從此去
中原冠冕至今來
武陵一曲風塵靜
銅柱雙標日月迴
千載伏波祠宇在
漢朝何事有雲臺

旅感

塵事熏心千種在晨昏回首一星周枕前明月照歸夢
簾外西山窺客愁短策干時何所得薄田供歲未須求
他年北極懷明主當日東陵有故侯

初秋

玉河楊柳已蕭蕭霸恩逢秋轉寂寥親舍每疑雲外近
長安翻覺日遙遙浮名肯似蓴鱸美壯志寧隨髀肉消
自笑行藏渾未卜巫陽堪問竟誰招

秋夜大興隆寺玩月

玉壺酒對秋色滿金地坐看明月高北戍不隨胡馬去
南巡應照聖躬勞山河有影看蓬鬢風露無聲生緼袍
忽憶越江垂釣叟流光千頃一浮舸

得七月家書志喜

紅葉聲中醒客夢白雲飛處憶親廬情多豈保鬢不改
計拙乃為飢所驅燕頤果誰還有相羊腸何路是無虞
臨風正覓傷秋句忽領平安兩字書

送祁惟允

執手別君何鬱紆帝城秋色野踟躕離情不覺曉雲淡
知己漸隨煙柳踈去國未須言勇退還家聊且賦閑居
想應明主不相棄誰合南山老敝廬

贈西蜀胡秀才

遙遙西蜀亘天端來去惟君不作難來為慈顏欣奉檄
去綠鬢髮倦彈冠柳搖燕市聽鶯別雲擁峨眉駐馬看
索句贈君還自笑一年為客向長安

贈陶二尹之任元城

風流此日陶彭澤喜唱吳歆向別筵製錦正當佳麗地
彈冠初遇中興年一庭詩景孤松裏足馬春風五柳邊
傾蓋相逢又分手金臺涼月夜娟娟

寄梁應房

去年蕭寺憶殷勤長劍高歌入夜聞異國風煙能慰我
同年交誼不如君落霞秋倚新豐樹足馬晴瞻震澤雲
南北祇今成悵別夜來樽酒夢論文

送余崇一使蜀

鳳凰啣詔出蓬萊
劍氣崢嶸拂曙開
萬里風煙馳蜀道
五雲宮闕夢燕臺
浣花溪在搜唐蹟
洗墨池荒憶漢才
聞道故園滄海上
星槎爭羨自天回

荆庭春恨和潘源魯

東風庭院雨絲絲
姜被寒生夢後悲
淺綠正添鴻雁沼
輕紅初上鵲鴝枝
流年未覺音塵盡
往事空詒肺腑知
斷送一番吟鬢白
可憐荆樹似秋時

贈別梁明仲

都門楊柳映愁生久客懷歸此送行鄉夢昔曾隨去馬
春光今已別流鶯舟移北渚龍光宵路入南天劍氣明
他日一尊尋舊約白雲溪上濯塵纓

席中贈倫彥蕃

看君意氣薄青霄京邸相逢即久要鳳沼每傳賢父子
鴈行多在聖明朝虹橫楚水朝看劍月滿吳門夜聽潮
何事春明携手地滿堤垂柳正蕭蕭

別倫彥周侍御

青藜燈火同高閣
皂蓋聲華獨內臺
日月祇隨燕樹轉
雲山長羨粵鴻迴
勞勞世路開蓬鬢
黯黯離懷付酒杯
姜被萊衣榮子去
風江烟艇待誰來

宜陽八景次東溪鄧尚書韻八首

曉入宜陽見萬峰
雞聲人語共疎鐘
停車最愛黃山好
滴袖俄驚翠黛濃
陸海魚龍憑砥柱
青天波浪出芙蓉
凌風欲挾飛仙去
直上蓬萊第一重

右黃岑
疊翠

扣舷何處有漁歌
泉擁西山景寂多
雲外恍疑垂玉鍊

人間真覺近銀河靜會桂魄天同色流入桃花錦作波

若到春郊頻極目東風吹潤徧嘉禾

右白水
垂虹

玉溪流水碧沉沉巧筭還誰測淺深細雨斜風渾二月

鯨吞鵬作忽千尋敲詩日憶澄江練倚杖時聞綠樹禽

何事臨流歌仰止三星橋外有遙岑

右玉溪
春漲

碧樹蒼烟鎖紺園四民曾此禮三尊岩堯地上開金刹

髣髴雲中立翠嵒山色可能隨世改燒痕長是到秋繁

憑高莫漫搜陳迹時倚衡雲望薊門

右寶刹
雲嶺

景星靈洞足探奇石上浮觴漫爾為碧落玉書空往夢

葛巾藜杖可芳時香分下澤烟花遠暖入東陂鴈鶩知

羽客不歸瑤草暮桃源何處問蛾眉

右蒙洞
香泉

獨倚蒼苔玩碧瀾共知龍向此中蟠九天空闊疑雷動

萬木蕭疎帶雨寒馬鬣不教桑楚歟烏耘那見稻畦乾

行藏笑與髯公道潛躍由來不是難

右良岩
龍隱

列岫排雲切太蒼曲江銀榜宛如長當衙已獻千重秀

帶日還成五色光秋淨烟霞開錦繡春深風雨散紅香

地靈人傑從來是滿耳蜚聲說廟廊

右榜山晴旭

涉水循山問化宮翠微深處有村春僧來且共松間坐

溪午遙聞烟外鐘貝葉曇花空寂寂瓊簾珠拱自重重

舊遊回首思長樂無限詩情到晚濃

右普化晚鐘

華節亭別親友

宿雨冥冥曉正開故人遙放酒船來啼鶯語燕催春事

綠水紅亭照客杯別夢綢繆猶粵海片颿迢遞又荆臺

臨岐欲盡分携意滿目停雲鬱未裁

沈口寄倫子彥式

魁岡南望隔湘烟
聞道征帆別後懸
楚粵山川空寄夢
江湖風雨正連天
明光起草逢今日
京洛看花憶去年
岐路祇今隨使節
可堪心折五雲邊

贛州紫霄岩贈林二山

憑空飛觀倚岩堯
風磴盤盤入紫霄
章貢灘聲天外落
燕雲山色日邊遙
百年氣誼堪杯酒
萬里離憂自市朝
笑與使君圖後會
扁舟何日重相招

夏日遊何氏園

漠漠朱光接翠寒
蕭蕭林樾隱風湍
浣花暫爾棲疎放
古柏終當宿鳳鸞
遂有卧龍清洛水
還從飛鴈望長安
種榆裊裊成何事
心折雲邊金露盤

放船

城烏翻月鼓統統
虎邱寺前初放船
青山白水晚如畫
楓葉蘆花秋可憐
皇華萬里但原隰
供奉三年猶俸錢
鷗夷邈矣不可見
隔浦緩歌聞採蓮

海珠別方塘汪憲副

海珠山下寒潮生，擊鼓放船君欲行。
醺酒千巡谷鳥轉，粵城十月江花明。
碧雞金馬在何處，遊子孤臣俱有情。
此去登臨不同賞，倚樓詩句向誰成。

送范衡村大叅

桂州城南灘水流，白蘋芳芷滿中洲。
即看綵鷁隨春色，聊遣清尊消別愁。
畫省交游成舊雨，彤雲瞻望及新秋。
相逢若問鷗夷子，已向江湖買釣舟。

大藤峽徭老

大藤勲業使人疑今日寨帷始見之每憶韓公成感嘆
且令徭老望威儀江山道梗空千里兵甲屯雲又一時
聞道招安成妙算從前真覺費王師

洮陽野次

畫船簫鼓擁青衿豈有當年木鐸音故國烟花那在眼
長途風雨若為心三湘秀色來天地五嶺華風自古今
耿耿有懷成野宿夢魂虛繞泰山岑

元日

曉來簪弁換荷衣遙望祥雲夾日飛
北塞風塵應已靜南溟樓櫓竟安歸
乾坤脉脉移花柳林壑欣欣動蕨薇
誰在青冥生白髮且持春酒對春暉

粵山詩社試筆分得清字

碧山雲卧倚江清衣馬何人獻歲行
麗日樓臺明萬井輕風簫鼓度三城
東南漂泊嗟懸磬西北驅馳費請纓
且向煙蘿開野酌漁樵相與話昇平

人日和陳天游韻

駘蕩春光滿隱窩
放狂判到鬚雙皤
柳條色映青絲騎
柏葉杯翻白紵歌
鶯燕不嫌三徑僻
風烟偏在五陵多
年來無地尋花勝
世道應隨東逐波

東風吹徧海天涯
隱几蕭條忽見花
人日鈎詩誰對酒
草堂携鶴自移家
衝星劍佩真吾事
滿地江湖又歲華
何事步兵從晉室
春來猶詠故侯瓜

天開圖畫亭

突兀茅齋跨石臺，玉杯瑤席倚雲開。
天邊湘色褰帷入，地底灘江逐馬來。
北極自勤瞻闕夢，西山誰有濟時才。
側身天地酣歌裏，鴻鴈冥冥首重回。

肇慶李東渠中丞邀遊洒然亭次韻二首

嶺海栖遲有歲年，草亭今喜識高賢。
釣殘野水從魚樂，鋤罷寒葵帶露鮮。
世事驅馳真夢裏，天涯談笑且尊前。
朔雲拖雨勞相問，猶記萍踪自洒然。

崧臺今夕是何年，投轄傾杯見此賢。
半畝方塘開罨畫，

一亭明月共澄鮮
習池已覺心俱醉
宣室還看席屢前
勛業古來戎馬地
可能無意勒燕然

蒼梧言歸口號

十載行囊一素琴
寥寥天地幾知音
淵明已有歸來賦
和靖初無祿養心
北郭晚田堪白酒
東籬秋菊盡黃金
扁舟一去隨明月
回望蒼梧空綠陰

泰泉集卷七

欽定四庫全書

集部

泰泉集卷八至十

詳校官給事中臣王鍾健

中書_臣劉源溥覆勘

覆校官中書_臣宋鎔

校對官學正_臣湯垣

謄錄監生_臣王寶唐

欽定四庫全書

秦泉集卷八

明 黃佐 撰

七言律詩

元日 丙申

陽吹朝來動遠空
九重春與萬方同
金盤北望思承露
玉琯東迴驗相風
日月催人雙鶴鬢
江湖容我一漁翁
十年舊夢成追憶
曾侍朱衣紫殿中

燈夕立春

東風澹澹月團團燈市逢春倍覺歡
漢苑烟花曾駐馬
秦樓歌舞更驂鸞
傳柑錯憶紅雲殿
縷菜驚看白玉盤
官柳野梅俱在眼
莫教長笛倚闌干

和鄧沃泉憲副元夕

昇平燈火幾喧闐
咲指東風十二年
陸海魚龍春變化
艷陽桃李夜暄妍
鑄京尚憶紅雲宴
郢曲遙傳白雪篇
同是江湖懷聖主
步隨明月望堯天

暮春贈別李儀部稚大四首

離夢搖搖倦倚闌江城春共一尊殘馬前紅雨應難駐
鴻外青山正耐看粵國龍蛇蟠大澤漢家卿相滿長安
趨朝好在南薰殿莫待金風吹玉鸞

滿院櫻桃齊作花柳條裊娜牽風斜即看春事遽如許
自信吾生安可涯南國浮雲供伏枕北山孤鶴望移家
酒闌相送柴門暮月滿遙林明釣沙

石門雲樹浩悠悠鴻雁拚飛並綵舟君去可堪還北望
此心無盡亦東流月明桂館烟花曉風落榆關砧鼓秋

傾倒渌尊頻看劍江湖何處有離憂

荔子紅時風滿枝彤雲飄忽望京師瑤壇曉日鑾輿度
珠樹微涼綵仗移北闕已新周典禮南宮曾識漢官儀
十年歆畝丹心在跋爾承恩向玉墀

送顧少叅進表之京

殊方長走畫熊車薇閣松牕月色虛喜見西山歸戰馬
愁聞南海進明珠風生閭闔陳金鏡雲擁梁恩拜玉除
後夜若逢牛斗使前星應有鳳凰書

草堂酌別劉僊令

東方之日赤輪囷照我庭前霞樹根
仙息到門化飛鵲
神魚入網開清尊
南歸暫與山水會
北去莫受風塵昏
玉墀青瑣寄消息
夜夜梅花勞夢魂

暮春醉遊

東風飄飄吹絮衣
沉醉不憂生計微
粵臺雲朗木客嘯
珠寺花深江燕飛
山川有限天相罩
薇蕨無言春自暉
已拋簪弁逐漁釣
浩浩放歌明月磯

登觀海樓醉後作

逍遙短褐滄洲上
突兀高樓霄漢間
潮落魚龍猶並出
日晴鷗鷺已知還
衝帆野色來千里
入座春聲殷萬山
飛絮又隨杯酒盡
東風何事亦偷閒

是日得
致仕報

緇塵

緇塵休問舊貂裘
十日輕衫試薄遊
春事只看芳草變
清尊聊盡白雲求
雪車冰柱燕山路
楓葉蘆花楚水舟
偶憶少年成獨笑
夜調元鶴上丹邱

贈別黃子章北上次鐵橋司馬韻二首

沙頭寒日照津旗南雁初飛北棹移
謝客池塘新入夢于門車馬重相期
江湖冉冉冰霜盡花柳欣欣雨露私
春近可堪人漸遠停雲應是渺予思

芙蓉閣下綰銀章
綵筆當年逐俊良
沙苑月明馳駿足
掖垣花暗散鵷行
西山爽氣朝應在
南海遺珠夜有光
若到鳳池相問訊
扁舟今在白雲鄉

粵王臺懷古二首用王李二子韻

粵城秋日轉觚稜與客登臺感廢興孤鳥迥隨雲影沒
野花寒帶露華凝樓船有路天低海劍壘無踪谷變陵
留得當年歌舞地斷猿清夜笑烟藤

百年天地靜風塵弔古臨觴莫愴神鳥雀似聞絃管夜
雲霞猶見綺羅春湟關北去元通漢肄水南來不向秦
絕勝楚臺搖落暮白蘋空對獨醒人

夢遊洞庭作

有引

丙申杪秋夢軒轅奏樂洞庭之野迺予以彩

虬之舟俾往觀之及渡湖則荷香襲人予訝
曰此西湖景也及登龜臺而上星月之下金
樓玉闕輝映在望宛然皇城也宮娥環列羣
仙賦詩俾予繼作覺而忘其第七句枕上足
成之

瑤臺今夕侍宸遊五色雲中駕彩虬銀漢有章回紫極
碧天如幕護皇州未央月轉芙蓉殿太液波含翡翠樓
欲奏霓裳先按舞鳳笙吹徹洞庭秋

送程太史舜敷二首

十月露葵青滿蹊
嚶嚶山鳥向人啼
梯飈直與鸞霄近
步磴回看象緯低
池上引杯元鶴舞
花邊移燭紫駟嘶
湘絃一奏清商曲
離思如雲暗柳堤

供奉當年紫禁東
扁舟吾已謝鵷鴻
烟花北望開秦苑
江海東流遠漢宮
婺郡趨庭雙鳥遠
粵臺傾盖一尊同
白頭遲爾青冥翼
興在驪駒感慨中

苦雨

即看蒼翠逐人來何限藩籬向水開
北極雲烟連粵樹南溟波浪接燕臺
蘅臯慣見蛟龍舞草屋長聞燕雀迴
自笑野夫貧亦得小樓高枕勝蓬萊

夏日方氏園池小集分韻得狂字

寶月團團山霧黃薰風拂拂水烟蒼
尊前白紵翻新調檻外紅蕖妬艷粧
柳榭拂雲來鸛鶴蘭橈衝雨散鴛鴦
習池金谷風流在誰道江湖放酒狂

中秋白蓮沼上見月

穆穆金波照玉泉人間天上共嬋娟雲移寶鑑初離匣
風定驪珠正在淵萬里河山看桂闕九霄環珮聽娥仙
芙蓉不為烟霜老更覺光輝異昔年

秋夜卧疾

西風瑟瑟到芙蓉寒入瓊樓十二重極浦雲烟連朔雁
滿城砧杵間踈鐘宮中思婦歌秋扇塞上征人望夕烽
何事文園正消渴金盤空有露華濃

臘月立春感懷次梁南阜韻三首

歲晚春陽開淑景海濱林薄振暄風朱門雜沓笙歌裏
皂帽逍遙水石中南國暖回鶯易至北河水結鷁難通
沉香亭上花應發誰奏清平入漢宮

粵城歌吹曉紛紛隱几蕭條實飽聞生菜又從年裏見
綵花曾向御前分有情北鴈隨遲日無賴西郊自密雲
最美梁鴻詩律好五噫何事悵離羣

萱草凌寒先自生臯禽掠暖復交鳴百年未滿祇須醉
萬事逢新殊可驚楚地雪霜當嶺盡粵臺雲物到春明

登臨一嘯人間世猶有滄浪堪濯纓

遊泰泉席上與陳京兆天游鄧憲副沃泉分韻

得文字

一尊何處可論文買得青山近白雲野色不隨秋氣改
松濤長共礮聲聞翦茅漸作花三徑種稻頻來鶴數羣
吟眺不知仙客去滿林蘿月白紛紛

登泰泉山椒和天游峰字韻二首

萬仞烟霞一短筇綠蒲黃菊盡仙踪安期海上空遺舄

崔相菴前祇斷峰道在滄洲應易得笑緣塵世每難逢
何時更定雲岑約襟被同聽野寺鐘

瑤空飛翠可扶筇仙侶凌秋覓異踪樵逕風清聞落木
海門霞起混高峰蟬泉淪茗吟邊酌虹澗尋花醉裏逢
翻笑十年塵土夢馬蹄空趁景陽鐘

南園弔古用梨字韻

南園秋草蔚萋萋來謁新祠路不迷五嶺烽烟曾躍馬
百年忠憤但聞雞逢崖往事西風冷蹈海名高北斗齊

却恨天津明月夜杜鵑啼血上棠梨

次韻答周八崖憲長見懷

六月芙蓉開絳英粵池遙帶楚湘清山中麋鹿堪吾友
地上麒麟羨爾行玉殿翠雲懷北極石林紅日卧前榮
瑤華忽慰音塵隔南浦悠悠夢旆旌

春日田園襍興次鄭大尹韻

農圃歸來荷聖朝暖風遲日出迢迢青黃夾路携兒看
花竹成畦課僕澆牛帶寒鴉過別浦葉隨流水聚平橋

年來自覺踈慵甚無柰流鶯早見招

黃犢悠悠不用鞭綠楊裊裊未舒綿即看喜氣通邱壑
已有和風到海天陌上闌歌人似月花間吹笛酒如泉
年來種秫開三徑不為青山有杜鵑

暮春效白沙

烟樹蒼蒼黃鳥飛草堂春晚故人稀北風卷雪馬猶去
西水漫天船未歸性拙久拚元鬢改家貧長恐素心違
雨餘天闊芳蹊暖無數紅香點褐衣

春興和鄧沃泉韻

春回盤谷瘴烟消
干呂青雲近斗杓
丹鳳有書傳此日
白駒何事永今朝
粵山採藥穿雲倦
珠海尋僧泛月遥
招得草堂猿鶴伴
碧桃花裏醉仙瓢

詠燈花次余仲栗韻

天涯芳草翠連空
惟有燈花相對紅
金粟光芒如向月
銀缸開謝肯隨風
赤城霞起明牕裏
太乙星移絳帳中
忽憶炬蓮隨珮馬
十年恩寵向誰濃

送李稚大廣右視學

吹劍當年歌昔遊十年塵夢對三洲
湘山似戟馬前出楚水如絲天際流
監祿豈知終化俗伏波何用更封侯
離絃莫奏清商曲梧葉蕭蕭已報秋

九月與內姻兄弟登龍岡答梁應民二首

龍岡亭榭倚岑荒采采黃花不憚遥
陟岵看雲移白日長松高薦入丹霄
風迴古寺千山葉野闊寒江萬里潮
曝背有懷還北望可堪關塞正蕭蕭

江湖獨卧逢人少
風日重陽登興賒
碧海波光依帽落
白雲山色抱簷斜
松蘿正爾堪杯酒
蓬鬢何曾媿菊花
帝圃仙臺休更問
笑看天地有煙霞

南江卷為馮侍御子仁題

南江之水向南流
謫仙結廬栖上游
真源混混自天地
巨浪轟轟連斗牛
鳴臯元鶴月當夜
入饌白魚風報秋
浩歌放浪渺然去
為爾蘆間尋釣舟

靈洲曉發

妙高臺前鬱水流寶地祇林何太幽雨晴山向鏡中出
潮長舟從天上游鵬風忽送扶光曉蜃月猶含珠海秋
一尊取醉掛帆去渺渺滄波飛白鷗

峽山尋鐵壁泉源譙挹泉亭次王十竹韻二首

雲構初成風籟清翠寒當戶接流聲禺陽鳳竹自秋色
趙叟魚臺空月明鐵壁長年鏘玉珮滄江終日駐霓旌
酒闌更覓飛來跡直上蓮山絕頂行

蕭寺重過亭榭新十年烟艇實藏身有情峽鳥催沽酒

無賴江花笑問津
極北雲烟看欲近
天南冰雪坐疑真
尊前却憶乘驄使
彩筆題詩合有神

飛來寺石林菴中尋達磨石小憩戲作一轉語
凌空飛錫結嶙峋
薝蔔香中草自春
烏渡雲移今此世
鴻冥天濶我何人
羲娥斷送千年夢
龍象終成一聚塵
便合拈花發微笑
滄波無語月華新

舟次韶州奉懷黎韶山用贈行韻

對酒聯舟忽異鄉
曲江回望粵山長
九成臺上簫韶遠

二相樓前草木香
春殿獨搖蒼水珮
秋風偏洒碧荷裳
徘徊家國情何限
雲白天清自一方

秋日讌鳳來亭呈同遊符陳二使君

危亭開讌逼秋穹
五馬同遊一馬駘
岐路即看千里近
勸酬真覺四愁空
楚山北向青如簇
肄水南來曲似虹
笑指九成臺上鳳
來儀應在碧梧中

楊厯岩醉後詠月

明妝招攜上翠微
金尊傾罷玉蟾飛
桂枝似向淮岩出

紈扇疑從漢苑歸
澤國魚龍踈作雨
江干鷗鷺久忘機
廣寒共是曾遊客
莫唱開元舊羽衣

過嶺瞻望張丞相祠

九齡

蹇蹇宗臣起海涯
荊州南去為誰家
鼓鼙城裏青騾遠
鷹隼風前紫燕斜
揭日聲華垂宇宙
格天英采在雲霞
十年舊路生秋草
長憶寒梅繞樹花

登吳山驛樓曉望

樓外緇塵望不昏
搖山高峙彩雲屯
潮聲近欲兼溟渤

樹色遙應接薊門桑柘影踈嗟亢旱芟荷衣薄藉朝暎
憑高倚劍歌回首家在天南烟水村

立春日東墅探梅簡劉東溪中丞

招携東墅探寒梅冷蕊踈枝尚未開繡豸金貂頻促席
吳歌楚舞肯停杯東皇已正蒼龍馭靈女虛傳赤鳳來
風籟簫簫歸路晚采芳何處是春臺

宮僚燕集次許松臯冢宰韻四首

己亥仲冬
十二日

玉河鴈鵠樹蒼蒼歌管催春入燕觴四海簪纓趨聖主

萬年主宅屬元良
風雲燦爛銅扉裏
日光華玉殿傍
留滯周南通籍晚
只將麟趾詠姬昌

桂宮蘭殿倚穹蒼
綺席凌寒綠滿觴
銀榜自今暉日月
金臺從古重賢良
鸞鑣合沓瀛洲裏
鳳吹飄飄太液傍
既醉不愁歸路暝
上台光彩屬文昌

宮槐院柳競寒蒼
仙侶開筵薦羽觴
周誦師資曾作聖
桓榮稽古亦稱良
搖山睇視西山外
南斗追趨北斗傍
自笑冥鴻隨羽翼
即從詒燕頌隆昌

前星炯炯天蒼蒼高雲斐豐明霞觴鴻達宣謂羽儀少
鶴禁正須籌策良燕京館閣玉霄上魏闕衣冠珠斗傍
陽春忽奏郢中調萬歲飛龍應壽昌

重午謾興

蕭艾青青烟雨中錦囊誰與奏熏風駉驂駿騎來燕市
迢遞翔鸞仰漢宮竹葉謾隨人意綠榴花孤倚客窓紅
去年此日衡門下笑采菖蒲碧澗東

冬至早過承天門時同行者趙校書羅贊善唐

司諫閔中允謝司直

去年濟水逢長至今日蓬山得並遊
西苑未聞歸大內南郊何處禮圓丘
葭傳淑氣三千界鼎現丹光十二樓
最是昔曾趨走地朝陽依舊殿東頭

七言排律

曲江曉發贈別符穎江太守

曲江流水混晴霞
嶺樹陰陰背郭斜
八月揚舲趨鶴禁
十年垂釣向鷗沙
曠筵揮麈歡無極
明牧連鵷興未涯

錦寺劇談支遁躅帽亭遙指邵平瓜隋珠幾見傳仙掖
韶石重來駐使槎憂世舊愁憐杜甫阜民新調協虞華
芙蓉國裏三千首烟雨樓前十萬家杯酒論文更何地
春風應在紫薇花

庚子三月八日奉命充經筵講官有感賦十二

韻

春風環珮集羣仙回首瀛洲二十年院柳綠垂鸞駕外
宮花紅入鳳池邊曉承綸綍開經幄夕佩蘭英拱御筵

青瑣赤墀聊復爾璇題珍館故依然三階瑞氣纏黃道
六籍榮光出翠川祖武直從高帝始人文真羨孝皇前
翩跹鸞鷟趨清漏縹緲麒麟颺紫烟芸閣秘書頻駐輦
羽陵遺策自忘筌座臨北斗霑堯酒

永樂中講讀官
燕賚同尚書

簾

捲南薰協舜絃

天順中延諸學士於
使殿命中官撫琴

長樂賜來霞錦艷

上林擎出露桃鮮賡歌此日光華旦下拜何時咫尺天
遙望帝城珠樹裏金華涼月夜娟娟

恭謁孝陵側望懿文墓

七言律

紫金積翠鎮重泉
絳節揚靈護九元
五色雲車龍渺渺
萬行珠樹鶴翩翩
湖風雨泰淮水綠
嶺烟霞句曲天
玉璽一從歸冀北
鬱葱佳氣自年年

玉亭侍家慈宴坐述懷

玉亭幽勝頗宜人
喜奉潘輿眺望頻
龍閑日高吳苑曙
鳳臺花發蔣陵春
巢林烏鳥聲偏樂
入饌鱗魚味更新
猶自倚樓清夢裏
南溟天濶有垂綸

泰泉集卷八

欽定四庫全書

秦泉集卷九

明 黃佐 撰

五言絕句

子夜四時歌八首

採桑南陌去共歡桑下嬉歸來理機素成匹待何時
黃鳥雙雙飛園林春意早歡愛緋桃花儂愛蒼莨草
團團合歡扇搖動生薰風展轉羅幃裏時復障顏容
乘涼登水榭見那採蓮船石闕映芙蓉含悲誰復憐

猛風吹梧樹玉露墜金井
蹋歌人不聞明月照雙影
門前霜楓樹洒淚積成許
蛛網罨黃蘗腹中苦思汝
白雪滿庭戶朱火耀牕牖
清歌侑蘭觴郎笑擘懷手
枯林噪寒雀開門歡正來
炭爐火未冷思心欲成灰

送劉符卿使楚

揚舲向荆楚渺渺烟波濤
河橋揮手後酒醒明月高

梁子席上賞葵

蕭颭天南鬢羈留冀北身
憑將向陽意一為問花神

風雨與張景川酌

風雨送深秋千山木葉流黃花猶是艷知為故人留

禾雀

兩三啁哢雀飛飛自容與天地無網羅郊原熟禾黍

玄堂八景為羅大參題

大崗發靈源綠潭何迤邐松濤翻翠寒秀色亘千里

綠潭

靈源

煙樹橫一抹微茫混天色林疎見夜燈點點訝奎壁

上浦

煙村

丹桂孤巍巍移根自蟾穴空翠從風來萬古香不滅

丹桂

山香

天衢在丹霄紫峒相與通常有五色雲飛繞蓬萊宮

紫峒

天衢

商歌聞飲牛長夜嗟未旦東岡忽搖白織烏動層漢

東岡

曉日

寒潮擁西岸漁艇互相呼答歌不知夜皓月生菰蒲

西岸

漁夜

徙倚村頭望翠竹，干雲霄欲截鳳凰。
管憑誰叶虞韶。

村頭

竹翠

岡背何所有，歷歷青松樹。
颼颼悲風來，恍恍神靈雨。

岡背

松青

題居竹軒

清陰滿牕戶，幽人澹無語。
翠影交龍蛇，白日驚風雨。

題寒江小景

大地陽初復寒江雪獨深古崖空老樹漁艇忽欸音

寄易司訓體乾

北鴈飛南天蒹葭霜月圓美人千里隔深夜一燈懸

題倭扇畫鼠

喜遇秦丞相悲逢漢大夫不知當磔日猶記太倉無

月出

月出群犬嗥月入群犬靜幽人耿不眠脩然發孤詠

苦熱

月淡萬籟寂更寒百蛩語道人據槁梧揮扇自驅暑
遊南華次章樸庵韻漫作禪語

南能無伎倆妙境還誰履拈花裂虛空莫問如何是
雙井梧桐小景

鳳鳥久不至魯叟悲道窮誰從雙井上手自種梧桐
題畫鴈

大地龍正蟄江山望禾黍枝間聞女聲蒼林自風雨
題畫練鵲

蓬蒿恣浼啄羽翼何翹翹何如舍之去玉立當雲霄

六言絕句

春日遊鄭氏莊

寒日園林載酒暖風簾幙啼鶯高閣一回歌枕小樓何處吹笙

漁父詞

遲日桃花浦上輕風楊柳磯邊鼓枻一聲欸乃中流遙見湘煙

春雨燕坐偶成

簾前膏雨闌珊竹外鳴
鳩往還隱几只銷香篆
薔薇開遍東山

潞河曉發

樓前淼淼潮平陌上蕭蕭馬鳴孤
月徘徊芳渚五雲繚繞神京

文淵閣登望

嘉靖乙酉

八柱高擎遠漢四簷長
納明霞渺渺碧山雲樹重重紫

禁烟花

七言絕句

凱歌詞十首

聖駕南巡江水平
清凱旋惟恐露威靈
虎賁夜散常山陣
龍氣朝纏細柳營

從官鵠立侍牙樞
中貴蟬聯進玉觴
百萬貔貅齊喝采
載歌常武賀君王

氛祲全銷玉劍寒
鯨鯢京觀築如山
風生虎帳刁斗靜

日照龍江旌旆閑

孝陵松柏貼青霄
鳳輦龍旗久寂寥
百歲遺黎應感嘆
神孫英武似先朝

瓜步寒潮兩壩通
居民今得醉春風
紅樓夜夜歌瓊樹
月墮河翻樂未終

不殺天聲本帝心
大江魑魅暗山林
夏廷合鑄神姦鼎
九牧遙聞已貢金

錦韉白馬出新河
簇隊吳娃善凱歌
譜得昇平新樂府

內家休按舊雲和

諸番鞮寄大侏儻重譯于今聖得知已有茅封及邊帥
更將天姓賜胡兒

郊圻草木沾天澤淮海魚龍識聖顏聞道賡歌臨相第
唐虞今復在人間

翠華詢俗及閭閻長有祥光散九衢後夜五雲最深處
衆星高護北辰居

宮怨

上陽宮殿倚雲霞
天外時聞度翠華
魚鑰重重鎖窓戶
夜來春雨到梨花

征婦

織愁長倩錦為文
樓上花枝伴夕熏
夜半朔鴻呼夢起
一天涼月沁香雲

詠四皓

歌殘鴻鵠漢宮秋
四老曾隨鶴駕游
采采瓊芝謝車馬
不知羅網是留侯

旅夜

沉水烟消膩燭黃
踈帷浮動月蒼蒼
栖鴉不避霜風惡
繞樹數聲秋夜長

送盧仁三首

河水東流無盡期
分携休唱莫愁詞
丈夫磊落要自許
蘭室桂梁非所知

金風剪剪不成霜
八駿行春及萬方
君去秦淮詢盛事
滿郊魚鳥帶恩光

當年曾自大江回映水芙蓉秋正開今日逢秋送歸客
感時思舊不堪裁

懷羅浮四首別黃用儀

旅食燕臺兩變星圖南長擬躡鵬翎無端夜雨驚心事
夢斷羅浮未了青

水簾洞口草生雲大石樓前花撲人唐世軒轅今我是
羅浮那有別家春

伏波銅柱埋南紀郭隗金臺落北州看取長空沒孤鳥

白雲多處是羅浮

羅浮秋色與天高
約略明朝買去舫
萬丈飛雲携手上
共君眠石聽松濤

聞鴈二首

雲邊久覺音書靜
江上徒聞舟楫歸
嘹唳數聲和夢破
涼蟾當戶故輝輝

瀟湘水碧莓苔青
白鴈掠雲時一聲
踈燈古壁照蓬鬢
江湖心事秋冥冥

題山水小景

九衢塵土襲簪纓
擬向乾坤借草亭
恍惚羅浮畫中見
亂松深處數峰青

秋霽

萬壑長風吹日來
百年幽抱與雲開
倚闌舒嘯一翹首
何處亭亭郭隗臺

春日有懷家山二首

花雨漫山杜宇愁
午牕歸夢遶松楸
入簾芳草應相笑

為報王孫已倦遊

語燕交飛舞蝶狂
杏花零落柳絲長
天涯此日堪淒斷
寒食郊原麥飯香

道中寓意二首

燕趙相望一箭飛
東風吹老故山薇
江南萬里烟波濶
不似垂鞭信馬歸

鳳樓十二麗烟花
盡日凝粧望翠華
開遍露桃多少恨
銀環今夜落誰家

厓山懷古六首

北風吹浪作龍樓疑是乾坤正氣浮
聞說當年楊太后
間關揮淚渡中流

宋室逢厓事可知燕臺猶夢整天歌
黃冠不到江南路
長使遺民歎黍離

雲掩西湖王氣銷厓山回首紫宸朝
露松似浥朝衣淚
不逐青梧日夜凋

兩厓形勝自天開奪港猶思卷土來
千古海陵遺恨在

雲濤回望重堪哀

哀歌何處問荒亭野燒隨風訝隕星
表暴尚遺徐禮部
斷厓無語向人青

南閩不廢祥興朔西蜀仍聞藝祖孫
會與英雄消積恨
直從龍鳳定中原

嘉會樓二首

嘉會樓前誰主賓老樹挾風鳴
向人坐槎仙客不可見
江水滔滔勞問津

江沙白白楓葉紅
鱖魚撥刺波搖空
相逢漁父不相識
醉舞藤簑明月中

訪白沙宅四首

堂前雙栢走蒼虬
苔自侵階鶴自謀
怪底詩翁貧到骨
野風蕭瑟蔗塘秋

百年聞道屬斯人
碧玉中藏太古春
今我登樓望江水
青山紅樹四無鄰

獨上高樓開八窓
浮雲飛盡月澄江
人間亦有虬髯客

投老扶南自一邦

鶴骨崢嶸畫輻開
執鞭何計起泉臺
翰林榮戟依然在
曾見先生馬首來

夢中登故山作

清泉綠樹抱山斜
萬頃雲天一畝家
盡日掩關來自去
白雲蒸雨濕松花

題黃鶴樓畫二首

黃鶴高飛覽九州
楚江至今空此樓
登樓浩歌一懷古

江木蕭蕭無那愁

楚城斜日照洲渚
飛飛鴻鴈鳴相將
樓頭客子笑無語
北夢南雲爾許長

題便面小景次韻贈文徵仲

蕭蕭松徑無塵埃
白雲滿地幽鳥來
周南留滯未歸去
舊日履綦空綠苔

舟中漫興五首

璧月團團玉鏡臺

臺在背江

照人懷抱霎時開
無情最是蘆

包水不共西南一路來

胥江兒女多浣紗道傍聞有莫愁家莫愁蕩槳向何處

楊柳蕭蕭啼暮鴉

宋朝棧道接烟霄

宋時自五羊至清遠有棧道

今日荒蹊沒斷橋花

洞蠻歌喧邏口竹房僧梵落山腰

橫石磯邊秋水生湏陽峽上鷓鴣鳴船頭客子不能睡

對月長歌到五更

河漢盈盈夜遽央淡日落山流雲涼捲簾默坐看流水

風送一番松桂香

壽孫九峰尚書二首

高詠琅函閱海籌中臺元不異丹邱年年六月蒲麟酒
長對來禽安石榴

錦席湘簾白日長玉杯稱壽未渠央調弦正奏緇衣曲
無限南風入座涼

戲贈楊中允二首

海珠江頭披綠簑春風秋雨共漁歌而今釣艇橫江浦

鱸鮓年來奈爾何

梅花未發菜花香坐到東風日漸長
買菜供餐無那少
尋梅沽酒只消狂

採蓮歌五首

靈洲鬱水粵王都五層飛樓天下無
江上行人莫回首
木綿花開啼鷓鴣

江北江南機杼多誰家兒女不停梭
笑渠不似蜘蛛巧
能向虛空織網羅

清遠峽連黃木灣採蓮來往不為難
青山亦有飛來日
何事蕭郎未見還

隔花相見兩徘徊蕩槳低頭笑
不來雙栖白鷺忽驚起
遙見浮萍一道開

芭蕉葉卷久無舒江口月明多
鯉魚要得鯉魚寄消息
鯉魚長在石巖居

寄錢太守索竹

采藥歸來即掩關故人相饋一開顏
已調滌髓供皤髮

更覓琅玕護碧山

湯文明惠並頭葵花二株口占十絕

縹蒂同心葵十尋日華浮動朶雲深江湖為爾懷霄漢
三月長安正綠陰

玉立亭亭見睥容鳳池相並集夔龍丹心只在彤雲裡
休道蓬山幾萬重

薰風未報清和月淑氣齊開並蒂花丹鳳綵鸞天上路
一時飛動似山家

五夜彤庭絳節齊
火城如畫散烏栖
十年不到芙蓉闕
坐對雙紅聽曙雞

翠隄紅臉自相依
不似桃花觸處飛
已共雲霞分錦色
更煩雨露濯仙衣

春風秋月幾離憂
誰似傾心結並頭
織女機絲何處所
長年辛苦會牽牛

此花不省人間有
喜自文明宅上來
怪底潛龍驚起舞
夜來風雨動池臺

覆雨翻雲見汝難
曉來依舊立雕闌
舉頭並向長安日
誰識芳心一寸丹

炎風時節集芳筵
同榦駢花憶賞蓮
今日葵花更堪賞
暮春猶是醴陽天

獨樂名園洛水濱
種葵長得殿餘春
如今柳絮方零落
遙想南山尚有人

沙洲草堂四首為歐氏題

海上結廬花滿洲
春回沙際綠幽幽
鷗鵲鷗鵲日來往

伴爾看花移小舟

風簾水簾對烟汀浦口潮回日射星手種琅玕今長大
江村無數翠雲屏

鱸膾初肥風滿林海天寥廓絕欸音一聲老鶴掠舟去
月出沙明蒲稗深

朔風瀟瀟沙欲飛翠鳬黃犢寒相依古梅一夕倚簷發
吾愛吾廬春已歸

雨中得呂氏讀詩記答李三洲四首

山雨瀟瀟花葉紅卷帷呼酒倩誰同
驂鸞一去傳消息多在青羅碧玉中

誰傳呂氏詩三百苦憶雲間陸士龍

同年陸舉之所刻

自別青

冥今白髮鏡湖何處見芙蓉

白雲飛處憶蒼梧夢入槐亭片月孤
今日帛書纔咫尺杏花春雨卧江湖

遊絲千尺絆行塵黃鳥嚶嚶似勸人
尊酒當年同李白融融風日洛橋春

仰雲堂二首為林上舍志復

小小茅齋傍樾開
壺山流影入書臺
翠濤搖動清風起
疑是雲莊逸老來

霞明屏石曉熒熒
樹引山光翠滿城
却憶過庭何處所
支頤翹首白雲生

泰泉集卷九

欽定四庫全書

泰泉集卷十

明 黃佐 撰

集句

秋懷集句四首

傷禽惡弦驚愁人知夜長展轉不能寐
秋風發微涼美人遊不還容好結中腸
愛至望苦深何況隔兩鄉願飛安得翼
欲濟川無梁叢鴈鳴雲霄渥露沾我裳
佳期悵何許仰見明月光

仰見明月光星河曙耿耿迢迢牽牛星蕩蕩空中景織
女處其東復與雲路永無情尚有歸令人發深省何以
慰我愁揮杯勸孤影

揮杯勸孤影孤影中自慙濁酒且自陶爲君長嘆息青
苔依空墻芳塵凝瑤席感歎何時平含情弄柔瑟遺響
飛青天青天何歷歷雲霞收夕霏迴風吹四壁君懷良
不開冰玉徒貞白

冰玉徒貞白江湖迥且深秋菊有佳色寒蟬無餘音感

物憂不歇隔我浮與沉人生有離合孰為勞寸心濯足
萬里流長嘯高山岑大哉乾坤內視古猶視今

集杜句題彩鳳雲龍卷送方公子行

君不見隴山蕭索秋雲高山巔朱鳳鳴嗷嗷側身長顧
求其曹萬古雲霄一羽毛君不見瀟湘洞庭虛映空中
有雲氣從飛龍天地黯慘忽異色萬斛之舟行若風英
雄有時亦如此攬環結珮相終始鳳臆龍髻未易識青
眼高歌望吾子

草堂別友人集杜句

倚江枏樹草堂前忽漫相逢是別筵縱酒欲謀良夜醉
將詩不必萬人傳朝廷衰職誰能補鄉里衣冠不乏賢
此別應須各努力濁醪粗飯任吾年

南雄返棹集陶句二首

行行循歸路靡靡秋已夕遙遙望白雲露淒暄風息一
形似有制萬化相尋繹江山豈不險自古歎行役息駕
歸閒居梅柳夾門植曲肱豈傷冲披褐欣自得時還讀

我書弱子戲我側提壺接賓侶抗言談在昔林園無俗情雲鶴有奇翼孰敢慕甘肥素襟不可易

形迹滯江山匏僂四十年天地長不沒聊且憑化遷榮華誠足貴於我若浮烟即日棄其官守拙歸園田白日掩荆扉藥石有餘閒嘯傲東軒下徘徊邱壠間青松夾路生紛紛飛鳥還人道每如茲此行誰使然世俗久相欺任真無所先何必升華嵩一盼周九天

桂林雨中望諸葛亭有感集杜句

雲水長和島嶼青江中風浪雨冥冥霜凋碧樹作錦樹
色過棕亭入草亭諸葛大名垂宇宙元戎小隊出郊坰
卧龍躍馬俱黃土極目秋天虛翠屏

草堂夜坐有懷梁南舉用韻集杜二首

琴瑟几杖柴門幽請公一來開我愁夜如何其初促膝
歲云暮矣增離憂飄零已是滄浪客用壯翻同麋鹿遊
走覓南隣愛酒伴江花未盡會江樓

東流之外西日微羲和迭迭將安歸江中淘河嚇飛燕

天上浮雲如白衣即事非今亦非古暫時相賞莫相違
因知貧病人須棄獨立蒼茫自詠詩

秋日集杜句寄山陰周給事

萬里風烟接素秋杖藜徐步立芳洲自知白髮非春事
更有澄江消客愁念我能書數字至悲君已是十年流
更為後會知何地須向山陰上小舟

草堂招湯處士民悅飲集杜句

君不見韝上鷹萬里寒江只一日焉能作堂上燕可憐

處處巢居室丈夫垂名動萬年會是排風有毛質天意
衝寒欲放梅江上徒逢袁紹盃酒闌擊劍蛟龍吼山根
鱣鮪隨雲雷男兒生無所成頭皓白我能拔爾抑塞磊
落之奇才速宜相就飲一斗絲管啁啾空翠來如何不
飲令心哀

東流江水篇

有引

至日承倫鄧二侍御召飲陪戴孟光巡按不
赴是日也獻酬歌樂盛麗動人夜坐有懷李

三洲以李子與茲席也集杜成此蓋感今念
昔以見會合之難云爾

東流江水西飛燕只願無事長相見咫尺應須論萬里
可惜刻漏隨更箭憶獻三賦蓬萊宮聲價歟然來向東
喜得與子長夜語意近慘澹經營中年年至日長為客
口脂面藥隨恩澤此時與子空歸來鴻飛冥冥日月白
孤城西止起高樓伐木丁丁山更幽青鞋布襪從此始
長歌短詠還相酬鐘鼎山林各天性後來況接才華盛

青眼高歌望吾子，蒼苔濁酒林中靜。冬至陽生春又來，
亦知窮愁安在哉。江上被花惱不徹，安得健步移遠梅。
梅花欲開不自覺，細推物理須行樂。玉壘浮雲變古今，
瑤臺侍臣已冥寞。君不見周南太史公，凡今誰是出羣
雄。詞源倒流三峽水，胡為見羈虞羅中。君不見西蜀杜
陵老，多才依舊成潦倒。且盡清尊戀物華，不知明月為
誰好。高視乾坤又可愁，尊前還有錦纏頭。綠雲清切歌
聲上，多暇日陪驄馬遊。紫衣將炙緋衣走，饗人受魚校

人手憶昨邀懽樂更無此曲祇應天上有簫鼓哀吟感
鬼神回風颭颭吹沙塵合懽却咲千年事白水青山空
復春

集杜句贈右溪倫子

晚來幽獨恐傷神相送柴門月色新卜築應同蔣詡徑
名家莫出杜陵人侍臣緩步歸青瑣鳴玉朝來散紫宸
南極一星朝北斗勿云江漢有垂綸

又贈青蘿王子與倫子同行

渡頭翠柳鱸明眉僂侶同舟晚更移鍾鼎山林各天性
風流儒雅亦吾師獨當省署開文苑會送夔龍集鳳池
離別不堪無限意呼兒覓紙一題詩

倫子席上賞菊觀戲


多暇日陪駘馬遊尊前還有錦纏頭殘花爛熳開何益
妙舞逶迤夜未休遂有馮夷來擊鼓焉知李廣不封侯
合歡却咲千年事許坐曾軒數散愁

與李子同賦觀奕

清簾踈簾看奕碁百年世事不勝悲
惟將遲暮供多病
不及前賢更勿疑
庾信羅含俱有宅
李陵蘇武是吾師
名垂萬古知何用
獨立蒼茫自詠詩

出郭課野老為園

野老墻低還是家
為園須學邵平瓜
已知出郭少塵事
且盡清樽戀物華
江上小堂巢翡翠
山樓粉堞隱悲笳
不嫌野外無供給
來歲還須滿眼花



泰泉集卷十